

## ფინანსების სამაგისტრო პროგრამა

განათლების საფეხური: მაგისტრატურა (უმაღლესი განათლების II საფეხური)

სწავლების ენა: ქართული

საგანმანათლებლო პროგრამის ტიპი: აკადემიური, ძირითადი

დეტალური სფეროს დასახელება და კოდი: 0412 ფინანსები, საბანკო საქმე და დაზღვევა

მისანიჭებელი კვალიფიკაცია: ბიზნესის ადმინისტრირების მაგისტრი ფინანსებში/MBA in Finance

სწავლის ხანგრძლივობა: 2 წელი / 4 სემესტრი

საგანმანათლებლო პროგრამის მოცულობა: 120 (ECTS) კრედიტი

საგანმანათლებლო პროგრამის ხელმძღვანელ(ებ): მირზა ხიდაშელი, ბიზნესის ადმინისტრირების დოქტორი, ტელ.: (+995) 599 03 04 69 ; [mirza.khidasheli@unik.edu.ge](mailto:mirza.khidasheli@unik.edu.ge);

პროგრამის თანახელმძღვანელი: გოჩა თუთბერიძე, ეკონომიკის დოქტორი, პროფესორი, ტელ.: (+995) 599 10 00 36; ელ -ფოსტა: [gocha.tutberidze@unik.edu.ge](mailto:gocha.tutberidze@unik.edu.ge).

## პროგრამაზე დაშვების წინაპირობა

ფინანსების სამაგისტრო საგანმანათლებლო პროგრამაზე დაიშვება:

- ბაკალავრის ან მასთან გათანაბრებული აკადემიური ხარისხის მქონე პირი, რომელიც ჩაირიცხება საერთო სამაგისტრო გამოცდების შედეგების საფუძველზე.
- პროგრამის დაძლევისათვის საჭირო საბაზისო ცოდნის დასადასტურებლად შიდა საუნივერსიტეტო გამოცდის ჩაბარება (შიდა საუნივერსიტეტო გამოცდების საკითხები და გამოსაცდელ პირთა ცოდნის შეფასების კრიტერიუმები განთავსდება უნივერსიტეტის ვებგვერდზე ([www.unik.edu.ge](http://www.unik.edu.ge)) გამოცდების დაწყებამდე არანაკლებ ერთი თვით ადრე);
- ინგლისური ენის B2 დონეზე ფლობა, რისთვისაც უნდა წარმოადგინონ ინგლისური ენის ფლობის დამადასტურებელი დოკუმენტი ან ჩააბარონ უნივერსიტეტის მიერ ორგანიზებული გამოცდა. გამოცდა ჩატარდება „ქუთაისის უნივერსიტეტის სტუდენტის ენობრივი კომპეტენციის დადგენის წესის“ შესაბამისად. იმ შემთხვევაში, თუ პრეტენდენტის მიერ წარმოდგენილია ინგლისურენოვანი საბაკალავრო საგანმანათლებლო პროგრამის დასრულების დამადასტურებელი დოკუმენტი (დიპლომი), ინგლისური ენის მოთხოვნილი კომპეტენცია დადასტურებულად ჩაითვლება.

**პროგრამაზე საერთო სამაგისტრო გამოცდების გავლის გარეშე სწავლის უფლებას მოპოვებენ:**

პირები, რომლებსაც „უმაღლეს საგანმანათლებლო დაწესებულებაში ერთიანი ეროვნული გამოცდების/საერთო სამაგისტრო გამოცდების გავლის გარეშე სწავლის უფლების მქონე აბიტურიენტების/მაგისტრანტობის კანდიდატების/სტუდენტების მიერ დოკუმენტების წარდგენისა და განხილვის წესის დამტკიცების შესახებ“ საქართველოს განათლებისა და მეცნიერების მინისტრის 2011 წლის 29 დეკემბრის №224/ნ ბრძანების საფუძველზე უფლება აქვთ ჩაირიცხონ უნივერსიტეტში ერთიანი ეროვნული გამოცდების გავლის გარეშე. აღნიშნული პირები ვალდებული არიან დაადასტურონ ინგლისური ენის B2 დონეზე ფლობა „ქუთაისის უნივერსიტეტის სტუდენტის ენობრივი კომპეტენციის დადგენის წესის“ შესაბამისად.

**პროგრამაზე ასევე დაიშვებიან:**

„უმაღლესი საგანმანათლებლო დაწესებულებიდან სხვა უმაღლეს საგანმანათლებლო დაწესებულებაში გადასვლის წესისა და საფასურის დამტკიცების შესახებ“ საქართველოს განათლებისა და მეცნიერების მინისტრის 2010 წლის 4 თებერვლის №10/ნ ბრძანების შესაბამისად მობილობის წესით ჩარიცხული სტუდენტები.

**პროგრამის მიზანი**

საფინანსო დისციპლინების დამატებითი ცოდნის მიღება სულ უფრო მნიშვნელოვანი ხდება სფეროს პრაქტიკოსებისთვისაც და არა მხოლოდ. განსაკუთრებით 2008 წლის ფინანსური კრიზისისა და დიდი რეცესიის შემდეგ, როცა მნიშვნელოვნად შეიცვალა ტრადიციული მიდგომები და რეგულაციები.

მოცემული პროგრამის მიზანია მაგისტრანტებს მისცეს ღრმა თეორიული ცოდნა, ასევე გაუმჯობესდეთ კონტექსტის შეფასების უნარები, რათა უფრო გამართულად უპასუხონ რეალურ ამოცანებს და შეძლონ :

- საფინანსო და საინვესტიციო გარემოს იდენტიფიცირება და ანალიზი;
- საფინანსო და საინვესტიციო საქმიანობის ანალიტიკა და მართვა;
- საფინანსო სფეროს აკადემიური კვლევა.

**სწავლის შედეგები**

სწავლის შედეგი I: სტუდენტი კონტექსტის შესაბამისად და მაღალი სიზუსტით იყენებს ფინანსური და მმართველობითი აღრიცხვის სისტემებს;

სწავლის შედეგი II: სტუდენტი აღწერს ფინანსურ და საოპერაციო რისკებს, აყალიბებს განვითარების სტრატეგიულ ხედვას და მიზნებს;

სწავლის შედეგი III: სტუდენტი ახდენს კორპორაციის ფინანსების ძირითადი ელემენტების პროგნოზებისა და გაანგარიშებას. ფინანსების მართვასთან დაკავშირებული გადაწყვეტილებების მისაღებად საჭირო არგუმენტების ფორმირებას;

სწავლის შედეგი IV: სტუდენტი აღწერს საერთაშორისო ფინანსურ გარემოს, ინსტიტუტებს და მარეგულირებელ ნორმებს.

სწავლის შედეგი V: სტუდენტი ადექვატურად და ეფექტიანად იყენებს პროექტის ციკლის მენეჯმენტის მეთოდებსა და ინსტრუმენტებს;

სწავლის შედეგი VI: სტუდენტი პროგნოზირებს ეკონომეტრიკული მოდელების გამოყენებით;

სწავლის შედეგი VII: სტუდენტი ავითარებს საკუთარ პოზიციას მონეტარული და ფისკალური გარემოს ტენდენციების, გამოწვევებისა და ბიზნეს გარემოზე მათი გავლენის შესახებ;

სწავლის შედეგი VIII: სტუდენტი იყენებს: მონაცემების გაანალიზებისა და შესაბამისი შემაჯამებელი დასკვნების ანალიტიკური და გრაფიკული ფორმებით ციფრულ გარემოში წარმოდგენის ინსტრუმენტებს;

სწავლის შედეგი IX: სტუდენტი ადექვატურად იყენებს სამეცნიერო კვლევის მეთოდებს და სამეცნიერო ნაშრომის გაფორმების წესებს;

სწავლის შედეგი X: იღებს პასუხისმგებლობას და ავტონომიურად წყვეტს, რეალურ გარემოში მის წინაშე დასმულ რეალურ ამოცანებს.

## პროგრამის სტრუქტურა

სულ - 120 კრედიტი.

**სასწავლო კომპონენტი - 95 კრედიტი, მათ შორის:**

- ძირითადი სწავლის სფეროს სავალდებულო სასწავლო კურსები - 57 კრედიტი
- ძირითადი სწავლის სფეროს არჩევითი სასწავლო კურსები - 5/6 კრედიტი

თავისუფალი კომპონენტი, რომელიც ორიენტირებულია ზოგადი/ტრანსფერული უნარების განვითარებაზე - 33 კრედიტი, მათ შორის:

- თავისუფალი კომპონენტის სავალდებულო სასწავლო კურსები - 23 კრედიტი
- თავისუფალი კომპონენტის არჩევითი სასწავლო კურსები - 10 კრედიტი

**კვლევითი კომპონენტი (სამაგისტრო ნაშრომი) – 25 კრედიტი.**

თავისუფალი კომპონენტის არჩევითი სასწავლო კურსებისთვის განკუთვნილი კრედიტების ათვისება შესაძლებელია ამავე საგანმანათლებლო პროგრამის ძირითადი სწავლის სფეროს არჩევითი სასწავლო კურსებით.

პროგრამით გათვალისწინებული სასწავლო/კვლევითი კომპონენტები მიმართულია პროგრამაში დასახული მიზნებისა და შედეგების მიღწევაზე, აღნიშნული განსაზღვრავს სამაგისტრო პროგრამის შინაარსს, სტრუქტურასა და სასწავლო გეგმას. ფინანსების სამაგისტრო საგანმანათლებლო პროგრამის ფარგლებში, პროგრამის სასწავლო გეგმით დადგენილია პროგრამის კომპონენტებზე დაშვების წინაპირობები, კომპონენტების თანმიმდევრობა, კომპონენტების კრედიტების სემესტრული განაწილება, სტუდენტის სემესტრული დატვირთვა.

## სტუდენტის ცოდნის შეფასების სისტემა

შეფასების მეშვეობით განისაზღვრება სტუდენტის მიღწევების შესაბამისობა პროგრამის კონკრეტულ შედეგებთან. ფინანსების სამაგისტრო საგანმანათლებლო პროგრამაში სტუდენტის ცოდნის შეფასება დაფუძნებულია კრიტერიუმებზე, რომლებიც განსაზღვრავენ ფლობს თუ არა სტუდენტი სასწავლო კურსით დადგენილ სწავლის შედეგებს.

პროგრამის ფარგლებში გამოყენებული შეფასების სისტემა შეესაბამება საქართველოს განათლებისა და მეცნიერების მინისტრის 2007 წლის 5 იანვრის №3 ბრძანებით დამტკიცებულ „უმაღლესი საგანმანათლებლო პროგრამების კრედიტებით გაანგარიშების წესს“.

სწავლის შედეგის მიღწევის დონე ფასდება შეფასების კომპონენტებით, შუალედური შეფასებით და დასკვნითი შეფასებით, რომელთა ჯამი წარმოადგენს საბოლოო შეფასებას. სასწავლო კურსის მაქსიმალური საბოლოო შეფასება შეადგენს 100 ქულას.

### **შეფასების სისტემა ითვალისწინებს:**

#### **ა) ხუთი სახის დადებით შეფასებას:**

- ა.ა) (A) ფრიადი – 91-100 ქულა;
- ა.ბ) (B) ძალიან კარგი – 81-90 ქულა;
- ა.გ) (C) კარგი – 71-80 ქულა;
- ა.დ) (D) დამაკმაყოფილებელი – 61-70 ქულა;
- ა.ე) (E) საკმარისი – 51-60 ქულა.

#### **ბ) ორი სახის უარყოფით შეფასებას:**

ბ.ა) (FX) ვერ ჩააბარა – 41-50 ქულა, რაც ნიშნავს, რომ სტუდენტს ჩასაბარებლად მეტი მუშაობა სჭირდება და ეძლევა დამოუკიდებელი მუშაობით დამატებით გამოცდაზე ერთხელ გასვლის უფლება;

ბ.ბ) (F) ჩაიჭრა – 40 ქულა და ნაკლები, რაც ნიშნავს, რომ სტუდენტის მიერ ჩატარებული სამუშაო არ არის საკმარისი და მას სასწავლო კურსი/საგანი ახლიდან აქვს შესასწავლი.

საგანმანათლებლო პროგრამის კომპონენტში, უარყოფითი შეფასების (FX) მიღების შემთხვევაში სტუდენტს ეძლევა დამატებით გამოცდაზე გასვლის უფლება. დამატებით გამოცდაზე გასვლის უფლებას სტუდენტი იღებს იმ შემთხვევაშიც, თუ მან დააგროვა საბოლოო შეფასების 51 ქულა ან მეტი, მაგრამ ვერ გადალახა დასკვნითი გამოცდისთვის განსაზღვრული მინიმალური კომპეტენციის ზღვარი. დამატებითი გამოცდა ინიშნება დასკვნითი გამოცდის შედეგების გამოცხადებიდან არანაკლებ 5 დღეში.

სტუდენტის მიერ დამატებით გამოცდაზე მიღებულ შეფასებას არ ემატება დასკვნით შეფასებაში მიღებული ქულათა რაოდენობა. დამატებით გამოცდაზე მიღებული შეფასება არის დასკვნითი შეფასება და აისახება საგანმანათლებლო პროგრამის კომპონენტის საბოლოო შეფასებაში.

შუალედური შეფასება დაყოფილია კომპონენტებად. შუალედური შეფასების კომპონენტების შინაარსსა და ხვედრით წილს განსაზღვრავს სასწავლო კურსის განმახორციელებელი პერსონალი შესაბამისი სილაბუსის ფარგლებში.

დასკვნით გამოცდაზე სტუდენტი დაიშვება შუალედური შეფასების მინიმალური ზღვარის გადალახვის შემთხვევაში. დასკვნითი გამოცდა ჩაითვლება ჩაბარებულად დასკვნითი გამოცდის მინიმალური ზღვარის გადალახვის შემთხვევაში.

შუალედური შეფასებისთვის და დასკვნითი გამოცდისთვის განსაზღვრულია შემდეგი მინიმალური კომპეტენციის ზღვარი: შუალედური შეფასების 42 %, დასკვნითი გამოცდის შეფასების 50%+1. სასწავლო კურსის განმახორციელებელი პერსონალი, სასწავლო კურსის სპეციფიკის გათვალისწინებით უფლებამოსილია სილაბუსით განსაზღვროს დადგენილისგან განსხვავებული (უფრო მაღალი) შუალედური და დასკვნითი შეფასებების მინიმალური კომპეტენციის ზღვარი, საქართველოს მოქმედი კანონმდებლობით დადგენილი მოთხვნის შესაბამისად.

კრედიტი ათვისებულად ჩაითვლება თუკი შუალედური შეფასებისთვის დადგენილი მინიმალური ზღვარის და დასკვნით გამოცდაში დადგენილი მინიმალური ზღვარის გადალახვის საფუძველზე მიღებული ქულების დაჯამებით მიიღება 51 ქულა ან მეტი.

### დასაქმების სფერო

კურსდამთავრებულს შეუძლია წარმატებით გაართვას თავი: ფინანსების მიმართულების მართვასა და ანალიტიკას, როგორც ლოკალური ასევე მულტინაციონალური ბიზნესის შემთხვევაში, კერძოდ:

- ფინანსების მართვას და მონიტორინგს;
- ფინანსურ ანალიზს და პროგნოზირებას;
- სფეროს აკადემიურ კვლევას.

საგანმანათლებლო პროგრამის ხელმძღვანელი: მირზა ხიდაშელი

პროგრამის თანახელმძღვანელი: გოჩა თუთბერიძე